


PERSEVERA

Un pagina di kurashamentu i guida spiritual pa miembronan di Scouting Antiano Edishon 58 Novèmber 2015

Testimonio di un hóben-adulto

Hopi biaha hende ta mirabo ta kana alegre i kontentu..... nan ta bisa "E mucha hòmbner ei tin tur kos"... pero hende no ta pensa kuantu kos e hóben-adulto a hasi i/òf ta sigui hasi pa e logra e legria i goso ku e tin riba su kara tur dia. Esnan ku konosé mi sa ku tur dia mi ta alegre i sonriendo, pero ningun hende no sa ku komo ser humano bo tambe ta pasa den bo prueba nan tur dia, hende no por imaginá den kuantu tristesa, amargura i/òf desepshon bo ta pasa aden. Hende ta hasi e kos di mas fásil ku nan por,..... envidia, papia malu di hende, hasi redashi i asta ta ser egoistapero ami i abo sa ku nos ku ta biba i kere den un Kristu Bibu i Resusitá, ta biba ku e Grasia ku E ta salba nos di kada pika, kada engaño ku por ser lanta riba nos nòmber.



Esei ta e forsa di ariba ku mi ta resa na dj'E tur dia, mi kier invitá bo pa abo tambe resa na dj'E, na nos Dios Altisimo yam'E manera abo ta sinti bo bon, i ban

hasi orashon, orashon pa Dios yuda nos, protehá nos, sana nos mente - alma - kurpa.

Un konseho di kurason, abo no husga bo ruman pasombra abo no sa den kiko e ta lucha òf pasando tur dia, resa pe, resa pa abo na promé lugá i resa pa tur hende ku ta rònt di bo, tur dia, maske kuantu doló e hende por a hasi bo, resa pe i bendishon'é, pasombra Dios ta hasi tur kos imposibel bira posibel. Ami a kambia i mas hende por basta bo kier, basta bo buska Dios su kara i kumpli ku su boluntat.

Dios ta nos forsa i fortaleza, Dios ta nos pas i alegria, Dios ta nos refugio, Dios ta nos baluarte, Dios ta nos Tata.....

Ku Dios su gracia sea semper ku abo i bo famia... tur kos bon Bendishon!!

Pa konkluí mi mensahe aki, mi ta laga bo ku un teksto di Beibel pa bo reflehá ariba !

2 Timoteo 2,12

Pero tin SPERANSA! "Bondat di Dios ta siña nos renunsia un bida sin Dios i pashonnan mundano, hiba un bida prudente, rekto i dediká na Dios, riba e mundu aki"

perseveransia

Pa logra na alkansá nos metanan, nos mester demonstrá perseveransia. Un hende ku perseveransia no ta pèrdè kurashi. E no ta stòp di lucha pa loke e sa ku ta bon. Den tempu skur, ora no ta bai bon, nos mester perseverá ku ánimo pa sigui mira padilanti i buska loke por pone nos bèk riba pia.

Perseveransia na skol ta importante pa bo alkansá bon punto i logra kaba skol ku éksito. Perseveransia den deporte i na trabou ta nesesario pa mehorá bo prestashonnan. Progreso personal i progreso di nos komunidad ta dependé di e grado di perseveransia ku ta eksistí serka nos.

Perseveransia ta prueba di un karakter fuerte i ta yuda nos enfrentá kualke gòlpi di bida.

Save Me From Myself Lord

Save me from myself, Lord;
Save me from my need
To always run my life, Lord,
To control my every deed.



Save me from my pride, Lord,
My focus on just me;
Help me learn to serve, Lord;
Show me how to be.

Save me from the world, Lord,
When tempting things entice;
Remind me of eternity
With You, in paradise.

I give my life to you, Lord
My every need you fill;
I'm resting in my faith, Lord;
You saved me, and you always will.